



**KRITERIJI O IZMJENAMA I DOPUNAMA  
KRITERIJA O METODU, NAČINU I SISTEMU BODOVANJA, TESTIRANJA  
KANDIDATA I PROVJERA FIZIČKE SPOSOBNOSTI**

Sarajevo, septembar 2024. godine

Na osnovu člana 41. i člana 45. stav (3) Zakona o unutrašnjim poslovima Federacije Bosne i Hercegovine ( „Službene novine Federacije BiH" broj: 81/14 ), a u vezi sa članom 132. stav (1) tačka 5) Zakona o policijskim službenicima Federacije Bosne i Hercegovine („Službene novine Federacije BiH" br. 27/05, 70/08, 44/11 i 13/18) i članom 8. i 10. Pravilnika o načinu i rasporedu testiranja kandidata i sistemu bodovanja u procesu odabira policijskih službenika broj: 09-8822 od 11.08.2016. godine i broj: 11-11/4-02-2-973 od 17.09.2024. godine, v.d. direktor Federalne uprave policije, d o n o s i

**KRITERIJI O IZMJENAMA I DOPUNAMA  
KRITERIJA O METODU, NAČINU I SISTEMU BODOVANJA, TESTIRANJA  
KANDIDATA I PROVJERA FIZIČKE SPOSOBNOSTI**

**Član 1.**

- (1) U Kriterijima o metodu, načinu i sistemu bodovanja, testiranja kandidata i provjera fizičke sposobnosti, broj: 09-19/1-05-2-1377 od 08.11.2019. godine (u daljnjem tekstu: Kriteriji), u članu 5. (Normativi testa općeg znanja i pisanog rada) mijenjaju se stavovi: (5), (6) i (7) i glase:
- „ (5) Pisani rad – esej o određenoj temi ocjenjivat će se usaglašenim bodovima komisije od 1 do 10.
- (6) Postignuti bodovi na testu općeg znanja i pisanom radu se zbrajaju, a kandidat može ostvariti maksimalno 35 bodova (25+10=35 bodova).
- (7) Kandidati koji nisu postigli eliminacioni prag od 22 boda eliminišu se iz daljeg procesa odabira.“
- (2) Iza člana 5. (Normativi testa općeg znanja i pisanog rada) Kriterija, dodaje se novi član 5a. (Intervju) i glasi:

**Član 5a.  
(Intervju)**

Intervju će se ocjenjivati bodovima Komisije od 1 do 6.“

**Član 2.**

U članu 10. Kriterija u tabelarnom prikazu tačke a) Test fizičkih sposobnosti za muškarce, mijenja se kolona pod nazivom „Skok u dalj iz mjesta (centimetara)“, i glasi:

”

| Skok u dalj iz<br>mjesta<br>(centimetara) |
|-------------------------------------------|
| 280 i više                                |
| 250-279                                   |
| 236-249                                   |
| 216-235                                   |
| 200-215                                   |
| 199 i manje                               |

”

### Član 3.

- (1) U članu 11. Kriterija u stavu (1) u tački a) i b) tabelarnog prikaza, pod rednim brojem 3. riječi: „Skok u dalj sa zaletom“, zamjenjuju se riječima „Skok u dalj iz mjesta“.
- (2) U članu 11. Kriterija u stavu (2) u tački a) alineje 5. do 13. brišu se, a dodaju se alineje 5. do 17. i glase:

- ”
- Mjerenje rezultata trčanja na 100 metara vrši se ručno štopericom, na način da dva mjerioca mjere vrijeme jednom kandidatu, a za rezultat se uzima srednja vrijednost rezultata.
  - Mjerioci vremena uključuju štoperice kada putem radio veze dobiju komandu SAD.
  - Mjerilac koji se nalazi na startnoj liniji će imati radio uređaj, kao što će ga imati i mjerioci vremena na cilju.
  - Propisane komande za start trčanja mjerilac na startnoj liniji govori istovremeno i na radio uređaj koji slušaju mjerioci vremena na cilju.
  - Kada mjerioci na startnoj liniji bude izdavao kandidatima komandu za start trke, a koja glasi „PRIPREMI, POZOR, SAD“, na komandu SAD kandidati kreću sa trčanjem, a u isto vrijeme pale se štoperice za mjerenje vremena.
  - Štoperice se zaustavljaju prelaskom grudnim košem kandidata preko linije cilja.
  - Kandidati trče u sportskoj opremi, a korištenje sprinterica nije dozvoljeno.
  - Tokom trčanja nije dozvoljeno prelaziti u drugu stazu, nagaziti na liniju ili na bilo koji način ometati druge učesnike u trčanju što dovodi do diskvalifikacije.
  - Neuspjeh start se označava glasom.
  - Zaustavljanje štoperice mora biti u momentu kada je grudni koš kandidata poravnat s linijom cilja.
  - Mjerilac zapisničar bilježi rezultate u zapisnik koji se boduju po posebno usvojenoj tabeli.
  - Staza mora biti uslovna za izvođenje testiranja, a iza linije cilja mora biti dovoljno prostora za zaustavljanje odnosno smanjivanje brzine.
  - Prije početka zagrijavanja, glavni mjerilac upozna je kandidate s ciljem i pravilima izvođenja testa i bodovanju rezultata.“
- (3) U članu 11. Kriterija u stavu (2) u tački b) alineje 4., 5. i 6. brišu se, a dodaju se alineje 4. do 11., i glase:

- ”
- Mjerenje rezultata trčanja na 1500 metara vrši se ručno štopericom, na način da dva mjerioca mjere vrijeme jednom kandidatu, a za rezultat se uzima srednja vrijednost rezultata.
  - Mjerioci vremena uključuju štoperice kada putem radio veze čuju komandu SAD.
  - Mjerilac koji se nalazi na startnoj liniji će imati radio uređaj, kao što će ga imati i mjerioci vremena na cilju.
  - Propisane komande za start trčanja mjerilac na startnoj liniji govori istovremeno i na radio uređaj koji slušaju mjerioci vremena na cilju.
  - Kada mjerioci na startnoj liniji bude izdavao kandidatima komandu za start trke, a koja glasi „PRIPREMI, POZOR, SAD“, na komandu SAD

kandidati kreću sa trčanjem, a u isto vrijeme pale se štoperice za mjerenje vremena.

- Štoperice se zaustavljaju nakon istrčanih 1500 metara prelaskom grudnim košem kandidata preko linije cilja.
  - Glavni mjerilac prije početka testa upoznaje kandidate o pravilima trčanja 1500 metara, načinu izvedbe starta i mjerenja vremena, zagrijavanju i u koje vrijeme počinje start.
  - Kandidati trče u sportskoj opremi, a korištenje sprinterica nije dozvoljeno.“
- (4) U članu 11. Kriterija u stavu (2) dosadašnja tačka c) „Skok u dalj sa zaletom“ briše se, a dodaje se nova tačka c) i glasi:

„ c) Skok u dalj iz mjesta:

- Test se izvodi u sportskoj dvorani ili na atletskom stadionu.
  - Test mjere dva ispitivača (kontrolor na odraznoj liniji i mjerioc dužine koji je i zapisničar).
  - Rekviziti za mjerenje skoka su traka, kreda ili marker za označavanje mjesta doskoka.
  - Kandidat započinje skok sunožnim odrazom od odrazne linije.
  - Ispitivač na odraznoj liniji stoji neposredno pored iste i kontrolira da noge kandidata ne prelaze odraznu liniju, a drugi ispitivač markira tačnu poziciju doskoka.
  - Test se izvodi po grupama, a redoslijed skakanja kako je ubilježeno u zapisniku.
  - Za uspješnost provođenja testa odgovorni su mjerilac zapisničar koji proziva kandidate da izvedu skok i bilježi svaki ispravno postignuti rezultat.
  - Zadatak kandidata je da se odrazi sa obje noge iza odrazne linije i skoči naprijed što dalje.
  - Zadatak je završen nakon što kandidat izvede ispravan skok, tj. ispitivač (mjerioc) obilježi doskok i zajedno s drugim mjeriocem izmjeri dužinu skoka.
  - Kao rezultat skoka se računa najbliži dio kandidatovog tijela od odrazne linije.
  - Kandidat ima pravo da se klata tokom pripreme za skok (da zamahuje rukama i da se diže na nožne prste).
  - Zadatak se može ponoviti dva puta, te se bilježi dužina svakog od dva skoka zasebno.
  - Vrednuje se najbolji rezultat u centimetrima.
  - Kandidati skaču u sportskoj opremi.
  - Površina odrazne pozicije i doskoka ne smiju biti skliske.
  - Skok se smatra neispravnim ako kandidat pređe odraznu liniju ili odraz izvrši jednonožno.
  - Ispitivač demonstrira početni stav i istovremeno daje upute uz napomenu da korištenje sprinterica nije dozvoljeno.“
- (3) U članu 11. Kriterija stav (4) mijenja se i glasi:
- „ (4) Kandidati koji su zadovoljili test motoričkih sposobnosti polažu još tri eliminatorna testa:
- a) test hidrofobije, koji se sastoji od održavanja na vodi u trajanju od deset minuta i plivanja 100 metara slobodnim stilom.
    - Norme za plivanje 100 metara slobodnim stilom:
      - muškarci: izvršiti zadatak najkasnije za 3 minuta,
      - žene: izvršiti zadatak najkasnije za 4 minuta,

b) test akrofobije, koji se sastoji u spuštanju niz alpinističko uže sa mosta visine cca 20 metara i

c) kondicioni marš je test psihofizičke izdržljivosti koji se izvodi prelaskom zadane udaljenosti od oko 25 kilometara u kontinuitetu sa vremenskim ograničenjem i izvodi se u sportskoj opremi.

- Norme za izvršenje marša:

Muškarci: Izvršiti zadatak najkasnije za 4 sata i 20 minuta.

Žene: Izvršiti zadatak najkasnije za 5 sati.

#### Član 4.

U članu 12. Kriterija u stav (1) pod naslovom Test fizičkih sposobnosti za muškarce, mijenja se tačka c) i glasi:

„ c) Skok u dalj iz mjesta:

| REZULTAT- centimetara | BODOVI |
|-----------------------|--------|
| 300 i više            | 5      |
| 271- 299              | 4      |
| 242- 270              | 3      |
| 226- 241              | 2      |
| 210- 225              | 1      |
| 209 i manje           | 0      |

dok pod naslovom Test fizičkih sposobnosti za žene, mijenja se tačka c) i glasi:

„ c) Skok u dalj iz mjesta:

| REZULTAT- centimetara | BODOVI |
|-----------------------|--------|
| 200 i više            | 5      |
| 189-199               | 4      |
| 180-188               | 3      |
| 171- 179              | 2      |
| 161- 170              | 1      |
| 160 i manje           | 0      |

”

#### Član 5.

(1) U članu 13. Kriterija mijenja se stav (2), (5) i (6) i glase:

„ (2) Kandidati koji su rangirani na osnovu rezultata postignutih na Testu općeg znanja i pismenog rada, a osvojili su minimalno 22 boda zadovoljavaju eliminacioni prag u odnosu na maksimalno moguće ostvarenih 35 bodova.

(5) U odnosu na ukupno moguće ostvarenih 60 bodova (35+25), svi kandidati koji konkurišu za poziciju „ policajac" i „mlađi inspektor" u svim organizacionim jedinicama Federalne uprave policije osim Specijalne policijske jedinice, čiji ukupni zbir iznosi 39 ostvarenih bodova, odnosno pokazanog znanja na testu općeg znanja i testu pismenog rada uključujući i testove motoričkih sposobnosti, stiču uslove da pristupe intervjuu, te zadovoljavaju eliminacioni prag i ušli su u dalji proces odabira i rangiraju se na način u skladu sa njihovim ukupnim ostvarenim bodovima, uključujući i rezultat sa intervjua.

(6) U odnosu na ukupno moguće ostvarenih 75 bodova (35+40), svi kandidati koji konkurišu za poziciju „policajac“ u Specijalnoj policijskoj jedinici čiji ukupni zbir iznosi 48 ostvarenih bodova, odnosno pokazanog znanja na testu općeg znanja i testu pismenog rada uključujući i testove motoričkih sposobnosti, zadovoljavaju eliminacioni prag da pristupe intervjuu i ušli su u dalji proces odabira i rangiraju se na način u skladu sa njihovim ukupnim ostvarenim bodovima, uključujući rezultate intervjua.“

(2) U članu 13. Kriterija iza stava (6) dodaje se novi stav (7) i glasi:

„(7) U slučaju da dva ili više kandidata u konačnom zbiru imaju isto bodova, za rangiranje će se prvo uzeti u obzir koji kandidat ima više postignutih bodova u Testu znanja. Kandidat koji bude imao više bodova na testu znanja će biti bolje rangiran. Ako ti kandidati imaju isti broj bodova na testu znanja, sljedeći parametar koji će se uzeti za uspješnije bodovanje je veći broj maksimalnih ocjena u Testu fizičkih sposobnosti. Ako i nakon ovog parametra kandidati imaju isti broj bodova, tada će kandidati polagati dodatni test koji je Komisija pripremila, te kandidat koji bude bolje uradio test biti će bolje rangiran.“

## Član 6.

U članu 15. Kriterija mijenja se tačka a), b), c) i d) i glase:

„ a) Test fizičkih sposobnosti za muškarce starosne dobi između 36 i 40 godina

| Sklekovi<br>(broj ponavljanja) | Pretkloni do<br>otkaza<br>(broj ponavljanja) | Skok u dalj iz<br>mjest<br>(centimetara) | Koverat test<br>(sekundi) | Kuperov test 12<br>minuta<br>(metara) | Bodovi |
|--------------------------------|----------------------------------------------|------------------------------------------|---------------------------|---------------------------------------|--------|
| 40 i više                      | 38 i više                                    | 225 i više                               | 22 i manje                | 2500 i više                           | 5      |
| 32-39                          | 30-37                                        | 211-224                                  | 23-24                     | 2100-2499                             | 4      |
| 24-31                          | 21-29                                        | 176-210                                  | 25-26                     | 1700-2099                             | 3      |
| 16-23                          | 14-20                                        | 145-175                                  | 27-28                     | 1500-1699                             | 2      |
| 11-15                          | 09-13                                        | 135-144                                  | 29 -31                    | 1200-1490                             | 1      |
| 10 i manje                     | 8 i manje                                    | 134 i manje                              | 32 i više                 | 1199 i manje                          | 0      |

b) Test fizičkih sposobnosti za muškarce starosne dobi 41 godina i više

| Sklekovi<br>(broj ponavljanja) | Pretkloni do<br>otkaza<br>(broj ponavljanja) | Skok u dalj iz<br>mjest<br>(centimetara) | Koverat test<br>(sekundi) | Kuperov test 12<br>minuta<br>(metara) | Bodovi |
|--------------------------------|----------------------------------------------|------------------------------------------|---------------------------|---------------------------------------|--------|
| 40 i više                      | 35 i više                                    | 220 i više                               | 25 i manje                | 2300 i više                           | 5      |
| 30-39                          | 29-34                                        | 201-219                                  | 26-27                     | 1900-2299                             | 4      |
| 21-29                          | 21-28                                        | 173-200                                  | 28-29                     | 1500-1899                             | 3      |
| 13-20                          | 13-20                                        | 151-172                                  | 30-32                     | 1200-1499                             | 2      |
| 6-12                           | 06-12                                        | 131-150                                  | 33 -34                    | 1000-1199                             | 1      |
| 5 i manje                      | 5 i manje                                    | 130 i manje                              | 35 i više                 | 999 i manje                           | 0      |

c) Test fizičkih sposobnosti za žene starosne dobi između 36 i 40 godina

| Sklekovi<br>(broj ponavljanja) | Pretkloni do<br>otkaza<br>(broj ponavljanja) | Skok u dalj iz<br>mjest<br>(centimetara) | Koverat test<br>(sekundi) | Kuperov test 12<br>minuta<br>(metara) | Bodovi |
|--------------------------------|----------------------------------------------|------------------------------------------|---------------------------|---------------------------------------|--------|
| 35 i više                      | 33 i više                                    | 210 i više                               | 26 i manje                | 2200 i više                           | 5      |
| 27-34                          | 26-32                                        | 191-209                                  | 27-28                     | 1800-2199                             | 4      |
| 20-26                          | 19-25                                        | 156-190                                  | 29-30                     | 1400-1799                             | 3      |
| 12-19                          | 13-18                                        | 130-155                                  | 31-32                     | 1100-1399                             | 2      |
| 07-11                          | 05-12                                        | 120-129                                  | 33-35                     | 900-1099                              | 1      |
| 6 i manje                      | 4 i manje                                    | 119 i manje                              | 36 i više                 | 899 i manje                           | 0      |

d) Test fizičkih sposobnosti za žene od 41 i više godina

| Sklekovi<br>(broj ponavljanja) | Pretkloni do<br>otkaza<br>(broj ponavljanja) | Skok u dalj iz<br>mjest<br>(centimetara) | Koverat test<br>(sekundi) | Kuperov test 12<br>minuta<br>(metara) | Bodovi |
|--------------------------------|----------------------------------------------|------------------------------------------|---------------------------|---------------------------------------|--------|
| 34 i više                      | 32 i više                                    | 200 i više                               | 27 i manje                | 2100 i više                           | 5      |
| 26-33                          | 25-31                                        | 181-199                                  | 28-29                     | 1700-2099                             | 4      |
| 19-25                          | 18-24                                        | 146-180                                  | 30-31                     | 1300-1699                             | 3      |
| 11-18                          | 12-17                                        | 120-145                                  | 32-33                     | 1000-1299                             | 2      |
| 06-10                          | 04-11                                        | 110-119                                  | 34-36                     | 800-999                               | 1      |
| 5 i manje                      | 3 i manje                                    | 109 i manje                              | 37 i više                 | 799 i manje                           | 0      |

Član 7.

U ostalom dijelu Kriteriji ostaju nepromijenjeni.

Član 8.

Ovi Kriteriji stupaju na snagu narednog dana od dana donošenja i neće se objavljivati u "Službenim novinama Federacije BiH".

Broj: 11-114-02-2-974  
Datum: 17.09.2024. godine

V.D. DIREKTOR  
(Načelnik SKP-a)  
GLAVNI INSPEKTOR

Vahidin Munjić